



WŌTAR IN KŌMMAN NŌMBA 20-07

KŌMŌ AN ARMEJ MŌNĀ KIJEER AK IDAAK LIMIER ILO-JIKIN IM IIEN KAKKOBABA ME ELŌNĴOK JĀN 25 ARMEJ

Ilo Maaj 8, 2020, ikar keeañ ke ewōr juon idiñ, iumwin ORS 401.165 *im men ko me rej /oorim* wūnin ej uwōta ñan ājmuur loḃwilej me infectious coronavirus (COVID-19) ej likūt.

Ilo Maaj 12, 2020, ikar leḷok Wōtar in Kōmman Nōmba 20-05, me ej kōmŋo an armej kakkobaba me elōñ 250 ak lōñḷok armej ilo aolepan state eo. Iar bar keeañ kōn ad kilōk jikuuḷ ko K-12 ilo aolepan state eo jān Maaj 16, 2020 ñan Maaj 31, 2020.

Ilo Maaj 13, 2020, Būreejtōn eo an United States eo ekar keeañ ke ḷap-waḷok eo an COVID-19 ej juon idiñ in aelōñ eo.

Ilo Maaj 16, 2020, Raan Jipañ ñan Armej (Department of Human Services) eo ekar likūti kiltōn kōjparok ko an āliktata (ñan kiiō) ñan kōjjeḿḷok mōko imōn kōjparok-ettoḷok im bar mōko imōn elōñ armej jokwe ie. Emōj an Oregon Maroñ kōn Ājmuur (Health Authority) eo ebbōk kiltōn āindein ilo Oregon State Aujpitōl eo im bar jet jikin ājmuur ikijjien ḿwilin armej, im emōj an kōjjeḿḷok wōran armej me rej kaddeḷoñ ilowaan Oregon State Aujpitōl eo. Emōj an Oregon Raan Kajimwe (Department of Corrections) kabbōjrak aolep iien loḷok ñan kalbuuj ko an state eo.

COVID-19 emaroñ in kōmman nañinmej in menono ekauwōtata me enaaj bōlen wōnḿaanḷok ñan nañinmej ekauwōtata ak ñan mej. Doulul kōn an Laḷ in Ājmuur (World Health Organization) eo ej watōke COVID-19 āinwōt juon nañinmej-ñan-aolep ilo aolepan laḷ eo. COVID-19 ej ajeeded armej-ñan-armej ilo aer pokpok im ḿaje, keepaak doon, āinwōt ilo aer uññūri pā ak “shake hands,” uññūri juon men eo ak iioone im virus eo ej pād iioon, innām uññūri loñiōḿ, ḃotiḿ, ak mejem.

Emōj an wōpija in ājmuur loḃwilej state im local rōjañ ke virus eo ej ito-itak ilo jukjukin pād eo im ke re katmāne ke enaaj lōñḷok wōran keej ko. An United States Jikin bōk Kajoor Iioon im Bōbrae Nañinmej (Centers for Disease Control and Prevention, CDC) eo ej ripooti ke eḷaptata an COVID-19 ajeeded ñe elōñ an armej eo kakōḷḷe, ak ebar maroñ in ajeeded mokta jān an kakōḷḷe ko waḷok. CDC ej rōjañe kiltōn kōjjeḿḷok an nañinmej eo ajeeded ilo jukjukin pād eo, kōpool ad kōjjeḿḷok emḿakūtkūt ko im iien kakkobaba ko.

Wōran keej ko an COVID-19 me rej ḷōmḿak wōt ak emōj kaḿool ke elōñ ej etal wōt im wōnlōñḷok ilo Oregon. Ilo Maaj 8, 2020, ilo kar iien eo me ikar keeañ ke elōñ idiñ, ekar lōñ 14 keej ko ilo Oregon me rej ḷōmḿak wōt ak emōj kaḿool ke elōñ. Ilo Maaj, 12, 2020, ekar lōñ 21. Rainin, elōñ ejjab iietḷok jān 51 keej ko im juon me ekar mej.



WŌTAR IN KŌMMAN NŌMBA 20-07 PEIJ RUO

Bwe ren kadikłok an nañinmej eo ajeeded, im ñan kōjparok ri-Oregon ro me rej pād ilo uwōta ełaptata ñan ebbōk nañinmej eo, im ñan jipañ ñan bōbrae ad lukkuun kanne joñan jikin kōjparok-ājmuur local im ijōkein, ij kile ke jej aikuj ad kajju im jejjet kūtien kakkobaba-ettołok im kiltōn kadikłok ilo jukjukin pād eo. Wūnin Wōtar in Kōmman in ej ñan kadikłok emmakūtkūt ko armej-ñan-armej im mejānkajjik eo ej ñan kadikłok an armej leto-letak.

KŌN MEN KEIN KHIŌKHIŌ, IJ KIPEL IM WŌTAR KE:

Kōmo an Armej Mōñā Kijeir ak Idaak Limeir Ilo-Jikin

1. Ilo ad ļoore ORS 433.441(3)(a), (b), (d) im (f), ORS 401.168(1), im ORS 401.188(1)—(3), imōn mōñā ko, baar ko, tavern ko, wain baar ko, café ko, jikin elōn imōn mōñā (food court) ko, ak bar peejnef ko āindein me rej leļok mōñā ak men in idaaq reban leļok ak kōmālim an armej mōñā, kijeer ak idaaq limier ilo-jikin. Men kein remō ilo aolepan state eo.
2. Peejnef ko remaroñ in leļok mōñā ak menin idaaq ñan mōñā ak idaaq nabōjin-jikin (āinwōt take-out ak tūraib-through) ak ñan bōkłok (delivery). Peejnef ko me rej leļok jipañ āindein rej aikuj in jejjet kūtien kiltōn kakkobaba-kōttołok bwe en wōr ejjab dikłok jān jilu (3) ne ikōtaan ri-wia ro me rej wōtar, kattar wōt, ak ilo ļain eo, ekkar ñan an Oregon Health Authority eo tōl. Peejnef ko rej bar aikuj in jejjet kūtien kiltōn kakkobaba-kōttołok āindein ñan ri-jerbal ro, ñe remaroñ. Jabdewōt iien im rej wiakake dān in idaaq arkool ñan idaaq nabōjin jikin ej aikuj in ļoore ORS chapter 471 im jabdewōt kakien ko me emōj ebbōk iumwin.
3. Pārokōrāap 1 ilo Wōtar in Kōmman in ejjab ekkar ñan imōn kōjparok ājmuur, imōn kōjparok ajri, jikin jermal ko, imōn kien ko me rej aikuji, imōn uwaak idiñ me rej aikuji, būrookraam in leļok mōñā jān jikuul ko me rej aikuji, im būrookraam in leļok jikin kiki im mōñā rej aikuji me rej jermal ñan jar ko remōjņołok. Kōmij rōjañe ijoko āindein bwe ren kōjerbal kakkobaba-kōttołok, iien ko reoktak, take-out im bar kiltōn kōmman āindein ñan kadikłok uwōta eo ikijjien an COVID-19 ajeeded.



WŌTAR IN KŌMŪMAN NŌMBA 20-07 PEIJ JILU

Kōmo an 25 ak Lōnļok Armej Kakkobaba

4. Ilo ad ļoore ORS 433.441(3)(a), (b), (d) im (f), ORS 401.168(1), im ORS 401.188(2), ij kōmō iien kakkobaba reļap kōn men ko social, jar im ikkure me elōn 25 ak lōnļok armej. Menin kōmō in ejejjet kūtien ilo aolepan state eo.
5. Iien kakkobaba ko me rej pād iumwin Pārokōrāap 4 ilo Wōtar in Kōmūman in rej kōpool, ak ejjab jemļokin, jabdewōt emmakūtūt an jukjukin pād, kien local, ļobwilej, ikkure, pedped-iioon-tōmak, im makūtūt ikkure, roņjake ri-kōjaņjaņ, kweilok ļap ko, iien kōmūman jāān (fundraiser) ko, fair ko, festival ko, im jabdewōt emmakūtūt ko āindein, nē reban kōjparok bwe en jab dikļok jān jilu (3) ne ikōtaan armej.
6. Pārokōrāap 4 ilo Wōtar in Kōmūman in ejjab ekkar nān peeņej im jipaņ ko me jej aikuji, kōpool ak ejjab jemļokin jikin jermal ko, imōn wia mōnā ko, imōn wia mweiuk ko, imōn wia repaak, pāān im credit union ko, jikin wia kiaj, hotel ak motel ko, imōn kōjparok ājmuur, imōn wia wūno, imōn kōjparok ajri, im kien local ak state. Ej barāinwōt jab ekkar nān jikuul ko, kōnke rej pād iumwin bar ennaan in kipel ko mokta ikijjien an jikuul ko ikkiil ilo aolepan state eo. Meņe emōj kōjekdoņ jet peeņej im jipaņ ko, kōmij rōjaņ er bwe ren jejjet kūtien kiltōn kakkobaba-kōttoļok, ekkar nān an Oregon Maroņ kōn Ājmuur (Health Authority) tōl.
7. Ij kōroļtok Wōtar in Kōmūman Nōmba 20-05 (kōmō kakkobaba reļap), im ennaan in kipel ko ilo Wōtar in Kōmūman in rej bōk jikin.

Raan im Wāween Jejjet Kūtien

8. Wōtar in Kōmūman in ejejjet kūtien jino ilo 5:00 jota ilo Maaj 17, 2020, im ej pād wōt mae Eprōļ 14, 2020, ijellokun Governor eo ej kōttoļok ak kabbōjrak mokta.
9. Wōtar in Kōmūman in ej juon kakien ikijjien ājmuur ļobwilej, āinwōt kaalikkar ilo ORS 431A.005, im jemaroņ jejjet kūtien āinwōt kōmālim iumwin ORS 431A.010. Barāinwōt, jabdewōt armej me rej loe ke ej rupe Wōtar in Kōmūman in ej pād iumwin kaje ko me emōj kaalikkar ilo ORS 401.990.



**WŌTAR IN KŌMMAN NŌMBA 20-07
PEIJ EMĀN**

10. Kōmij kanooj in rōjañe armej ro im peejneŷ ko bwe ren ʃoore ennaan ko im jetōbin Wōtar in Kōmman in, bwe ri-jeŷjet kūtien ro remaroñ ʃōmṅak wōt kōn wāween jipañ ikijjien men ko me jej lukkuun aikuŷi ṅan mour ilo jukjukin pād ko ad iumwin iien idiñ me ej etal wōt kiiōkiiō.

Kar kōmman ilo Portland, Oregon rainin raan 17 ilo Maaj, 2020.

Kate Brown
GOVERNOR

KAMOOL:

Bev Clarno
SECRETARY IN STATE